

Konkurso

por elekto de invitantoj de kongresoj de ILEI en la jaroj 2019 kaj 2020

Ekde la jaro 2017 ILEI ĉiujare organizas Kongreson anstataŭ Konferenco. Ĝis aprobo de nova *Kongresa regularo* validas la *Konferenca Regularo de ILEI*, en kiu ĉio dirita pri Konferenco nun rilatas al Kongreso de ILEI (http://www.ilei.info/dok/Konferenca_regularo.pdf). Konforme al tiu Regularo, la Estraro de ILEI invitas sekciojn de ILEI, aŭ aliajn Esperanto-organizaĵojn kunlabore kun la ILEI-sekcio, aŭ memstare se en la lando ne ekzistas sekcio de ILEI, kandidatiĝi por:

- invitanto de la 52-a Kongreso de ILEI planata por la jaro 2019
- invitanto de la 53-a Kongreso de ILEI planata por la jaro 2020.

Organizaj postuloj

- La invitanto devas disponi sufiĉajn organizajn fortojn kaj sperton por organizi la Kongreson kunlabore kun la Estraro de ILEI.
- La kongreso devas esti sendependa E-evento sen konkurenco de aliaj eventoj.
- Financa mastrumado de la kongreso apartenas al ILEI. LKK dezirinde disponu enlandan bankkonton por faciligo de enlandaj pagoj.
- La *Konferenca Regularo de ILEI* estas deviga por ILEI kaj por la konresa invitanto.
- LKK laboras sub gvido de la estrarano pri kongresoj de ILEI kaj kune kun li/ŝi respondecas pri la kongresorganiza laboro al la Estraro de ILEI sekvante la kutiman taskodividon (www.ilei.info/konferenco/taskodivido.pdf) inter LKK kaj ILEI.

Kriterioj

La Estraro de ILEI taksos la kandidatojn kaj elektos kongresinvitantojn laŭ la jenaj kriterioj:

- Organizaj fortoj kaj spertoj de la kandidato, inkluzive de spertoj el partopreno en antaŭaj konferencoj aŭ kongresoj de ILEI,
- Taŭgeco kaj kostoj de proponata kongresejo kun teknikaĵoj,
- Loĝkostoj kaj komforto,
- Veturebloj kaj veturkostoj por alveno kaj foriro de kongresanoj,
- Proponata enhavo kaj proksimumaj kostoj de turisma kaj kultura programo,
- Pruveble atendebla subteno de lokaj aŭtoritatoj kaj amaskomunikiloj,
- Ŝancoj por gajni subvencion,
- Atendeblaj efikoj al la lokaj E-movado kaj ekstermovada medio,
- Kiom longe ILEI ne konferencis aŭ kongresis en la kandidata lando,
- Facileco kaj kosto de veturo inter la Kongreso kaj UK se la ILEI-Kongreso okazos ĵus antaŭ aŭ tuj post UK.

Kiel konkursi?

Kandidatiĝan leteron, kun esprimita kaj motivita intenco inviti la kongreson, precizigante por kiu kongreso vi kandidatiĝas, ĉu en la jaro 2019 aŭ 2020, bonvolu sendi retpoŝte al la estrarano pri kongresoj: Radojica Petrović <radojica.petrovic.rs@gmail.com> kopie al ilei.sekretario@gmail.com ĉi-sube indikita limdato.

Bonvolu aldoni al la letero:

- Deklaron, ke vi akceptas la Konferencan Regularon de ILEI (http://www.ilei.info/dok/Konferenca_regularo.pdf), kaj subskribitan ekzempleron de la Regularo kiel ateston, ke vi respektos ĝin se via invito estos akceptita;
- Bazajn informojn laŭ la jena demandaro:
 1. Konciza prezento de la organizaĵo/ILEI-sekcio, kiu kandidatiĝas por inviti la kongreson, ĝiaj organiza strukturo, adres- kaj kontakt-informoj, agadplanoj, agadrezultoj kaj motivoj por inviti la kongreson.

2. Ĉu iam antaŭe okazis iu ILEI-aranĝo en via lando? Se jes, kiu, kie kaj kiam?
3. Prezento de ebla LKK: prezidanto, kasisto kaj aliaj taskplenumantoj, kaj ilia ĝisnuna partopreno en ILEI-eventoj.
4. Kion vi proponas por la kongresejo, kiomkoste (proksimume) kaj kun kiaj kondiĉoj kaj teknikaĵoj? Kiel ĝi povas plenumi la bezonojn de kongresa programo laŭ la programskemo (www.ilei.info/konferenco/programskemo.pdf).
5. Kiujn datojn vi proponas por la kongreso kaj kiel ĝi rilatus al aliaj E-eventoj atendeblaj en tempa aŭ geografia proksimeco de la kongreso, precipe al UK?
6. Kian kaj kiomkoston (proksimume) loĝadon vi povas proponi al kongresanoj?
7. Kiaj estas veturebloj kaj veturkostoj por alveno kaj foriro de kongresanoj?
8. Kian subtenon de la loka/landa E-movado kaj ne-movadaj institucioj vi povas certigi por la kongreso? Per kio vi pravas tion (ekz. subskribita subtendeklaro de koncerna institucio, formala interkonsento k.c.)?
9. Kion, skize, vi proponas por la turisma kaj kultura programo de la Kongreso konforme al la kongresa programskemo (www.ilei.info/konferenco/programskemo.pdf) ?
10. Ĉu eblas peti subvenciojn por la kongreso aŭ iu ĝia programero (simpozio, lingva festivalo k.c.)?
11. Kiaj, kiutempaj, kiom longaj kaj kiom kostaj (proksimume) estas vojaĝebloj inter la proponata kongresurbo kaj okazejo de UK se la Kongreso okazos ĵus antaŭ aŭ tuj post UK?
12. Ĉu vi povas proponi antaŭkongresan aŭ postkongresan turisman kaj/aŭ fakan programon por kongresanoj kiuj dezirus viziti vian landon pli longe ol la kongressemajno?

Limdatoj

Por la 52-a Kongreso en la jaro 2019

Ĝis 2018/02/28: Kandidatiĝoj

Ĝis 2018/03/31: La estrarano pri kongresoj prezentas al la Estraro komparan analizon de ricevitaj kandidatiĝoj

Ĝis 2018/04/15: Decido de la Estraro pri loko kaj datoj de la kongreso

En majo 2018: Vizito de la estrarano por kongresoj kaj kunsido kun LKK en la kongresurbo

Ĝis 2018/06/30: Kongresaj buĝeto kaj programskizo, kontraktoj kun servodonantoj (kongresejo, hoteloj, ...), la unua komuniko, informoj kaj varbiloj dissenditaj kaj -ataj

2018/07/21-28: Prezento de la kongres-urbo kaj -lando 2019 dum la 51-a Kongreso en Madrido; Startigo de la aliĝado

Por la 53-a Kongreso en la jaro 2020

Ĝis 2018/05/31: Kandidatiĝoj

Ĝis 2018/06/20: La estrarano pri kongresoj prezentas al la Estraro komparan analizon de ricevitaj kandidatiĝoj

Ĝis 2018/06/30: La Estraro aprobas rekomendojn al nova Estraro elektota en Madrido

2018/07/21-28: Transdono de la konkursa materialo kaj rekomendoj al la nova Estraro por plukonsidero kaj findecido. Prezento de la perspektivoj de ILEI-kongreso en 2020.

Por la Estraro de ILEI
Radojica Petrović
Estrarano pri kongresoj

Konsultindaj dokumentoj:

1. Ĝenerala kaj adaptebla programskemo de la Kongreso de ILEI

(www.ilei.info/konferenco/programskemo.pdf)

2. Konferenca Regularo de ILEI (http://www.ilei.info/dok/Konferenca_regularo.pdf)

3. Taskodivido inter ILEI kaj invitanto/LKK de ILEI-kongreso
(www.ilei.info/konferenco/taskodivido.pdf)